



Broj: 09-20-11-2-1987

Datum: 24.10.2022. godine

Na osnovu člana 43. a u vezi člana 45. stav 2. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj:39/14) i preporuke Komisije za provođenje konkurentskih i pregovaračkih postupaka nabavki u 2022. godini, zamjenik direktora Federalne uprave policije d o n o s i:

## **ODLUKU**

o izboru najpovoljnijeg ponuđača u pregovaračkom postupku nabavke bez objavljivanja obavještenja o nabavci Nabavka telefonske centrale i telefonskih aparata i umrežavanje u postojeći sistem

### **I**

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke: „Nabavka telefonske centrale i telefonskih aparata i umrežavanje u postojeći sistem, te se ugovor dodjeljuje ponuđaču „SIECOM“ d.o.o. Sarajevo, čija ponuda, nakon dostavljanja konačne ponude, iznosi 24.700,85 KM bez PDV-a, odnosno 28.899,99 KM sa PDV-om.

### **II**

Navedeni kvalifikovani kandidat nakon konačnosti ove Odluke bit će pozvan radi zaključivanja ugovora kojim će se regulisti međusobna prava i obaveze vezane za predmetnu nabavku. Ugovorni organ će o ovoj Odluci obavjestiti navedenog učesnika postupka nabavke.

### **III**

Ova Odluka stupa na snagu danom donošenja.

### **IV**

Za izvršenje Odluke zadužuje se Sektor za materijalno-finansijske poslove.

### **V**

Odabrani ponuđač dužan je u roku od pet (5) dana, od dana zaprimanja Odluke, Ugovornom organu dostaviti dokumente iz tačke 5. tenderske dokumentacije.

## Obrazloženje

Komisija za provođenje konkurentskih i pregovaračkih postupaka nabavki za 2022. godinu imenovana Rješenjem zamjenika direktora Federalne uprave policije broj: 09-19/1-30-2-46 od 14.01.2022. godine u predmetu javne nabavke: „Nabavka telefonske centrale i telefonskih aparata i umrežavanje u postojeći sistem“, je konstatovala da je na osnovu Odluke o pokretanju postupka nabavke, broj: 09-20-11-2-1987 od 15.08.2022. godine, pokrenut pregovarački postupak nabavke bez obavještenja o nabavci.

Procjenjena vrijednost za predmetnu nabavku iznosi do 24.700,85 KM bez PDV-a.

Komisija je u toku postupka zaprimila Zahtjev za učešće ponuđača „SIECOM“ d.o.o. Sarajevo, te je nakon pregleda dostavljenog Zahtjeva za učešće Zapisnikom broj 09-20-11-2-1987 od 08.09.2022. godine konstatovala da navedni ponuđač ispunjava predkvalifikacione uslove, nakon čega je donesena Odluka broj 09-20-11-2-1987 od 08.09.2022. godine o rezultatima postupka predkvalifikacije. Komisija je dana 27.09.2022. godine uputila ponuđaču SIECOM d.o.o. Poziv za dostavljanje početne ponude. U skladu sa navedenim, ponuđač SIECOM d.o.o. Sarajevo je dostavio svoju početnu ponudu. Komisija je uvidom u istu Zapisnikom broj 09-20-11-2-1987 od 07.10.2022. godine konstatovala da je dostavljena ponuda prihvatljiva, te je nakon toga navedenom ponuđaču upućen Poziv na pregovore. Pregovori sa ponuđačem su održani 12.10.2022. godine, što je konstatovano Zapisnikom broj 09-20-11-2-1987 od 12.10.2022. godine. Po okončanju pregovora Komisija je uputila Poziv ponuđaču „SIECOM“ d.o.o. Sarajevo za dostavljanje konačne ponude.

Pregledom Konačne ponude, uz mišljenje angažovanog stručnog lica za ocjenu tehničkog djela ponude, Komisija je Zapisnikom broj 09-20-11-2-1987 od 20.10.2022. godine konstatovala da je konačna ponuda prihvatljiva i u skladu sa uslovima definisanim tenderskom dokumentacijom, te predložila Ugovornom organu da se ugovor za predmetnu nabavku dodjeli ponuđaču „SIECOM“ d.o.o. Sarajevo.

Na osnovu navedenog odlučeno je kao u dispozitivu.

**PRAVNA POUKA:** Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi a putem ugovornog /prvostepenog organa.

ZAMJENIK DIREKTORA  
Generalni inspektor policije

Ensad Korman

Dostaviti:

- učesniku u postupku,
- Sektoru za mat-fin poslove i
- u spis